

. bšumaihun d hiia rbia biuma qadmaia ubatraia uqadmaia ubšita qadmaita kd ata abatur uptahil ungad šumia umsa arqa ungad rqiha ubza iamamia uagzar Turia ušauia nunia biamamia uSipar gadpa uhiua bara zan zan ušauia piria u`nba u`lana likilta d adam umašqita d adam uhaua ukulh šurubta uabad rihania ubazrunia upiqunia u`Sania usamania uhaizak `thašab abatur uptahil hza napšia hza dmutia uabad adam gabra uabadlh haua zauh d minaihun `tiatar umitnapaš šurubta balma haizak `thablh kilh uminiana lalma hazin mn iuma d `tbad adam ualma lkimSat almia arbima utmanan alpia šnia hauia haizak `thib kila uminiana lšuba šibiahia ultrasar mdabrania ukila mna lšubauata `tpalag kd hdadia hda laTpa hda labSar kul gabra miTiu mnata šitin utmania alpia šnia uhamišma ušubin uhda šita uiahria uhamša iumia uarba šaiia šit upalgia ušušia arba upiga upalga d piga utrisar maluašia akliu luat šuba šibiahia ušuba šibiahia akliu luat trisar maluašia mn kilh d bil lagTia trisar maluašia kd paiišlh tša alpia šnia abihdia bil ušitin utša alpia šnia abihdia nirag mn halin šubin utmania alpia šnia d akliu trisar maluašia kd mnata l`mbra plaglh trisar alpia šnia taura hdisar alpia šnia Silmia asra alpia šnia SarTana `tša alpia šania aria tmania alpia šnia šumbilta šuba alpia šnia qaina šita alpia šnia arquba hamaš alpia šnia šnia haTia arba alpia šnia gadia tlata alpia šnia daula trin alpia šnia nuna hda alpia šnia haizak mn `tinSab adam alma d `tinsab alma bhirba umutana `matin ušitasar alpia hauia haizak bšnia d sin kukba npaq asra alpia šnia mn šnia d sin d `tinsab alma bhirba umutana `tiaiar minaihun trin anašia hda gabra ram šumh u`nta rud šuma minaihun `tiaiar alma alma d `tinsab alma bnura ma uhamšin alpia šnia hauia ukd npaqiun srin utša alpia šnia mn mnata d bil ualma bnura `tinsab uakalta lkulh alma uaklat trisar niskia aqapra barqa haizak `tiaiar minaihun trin anašia hda gabra šurbai šumh u`nta šarhib`iil šuma d minaihun `tiaiar alma mn iuma d `tinsab bnura ualma d `tinsab bmia ma alpia šnia hun haizak kd pašiun tmania alpia šnia mn šnia d `taqrilh qala lnu d kauila uamarlh bnia kauila uhaizak bpaqadta d nu aitia nangaria ugTar arzia haran uašh mn libnan bnia tlatma šn` gTar kauila bmašihia `rka tlatma amia uputia hamšin amia urauma tlatin amia haizak lgaT nu mn zan trin zikria unuqbata uasiq lkauila uhaizak lkauila arqin utrin liliauata mambuhia mia `laiia mn šumia umambuhia mia titaiia mn arqa atun uTbun Turia uTba armata uhaizak alma kulh bmia `tinsib ukauila hua qp`ia uazla aganbia mia asra uhda iahra ulihdisuir iahria huat nihuta ukauila lTura d qardun nihtat uiatbat uhaizak `da nu bnapšia d nihuta huat balma uapqa nu l`urba uamarlh h` mia hua nihuta balma uazal `urba uaška lšlanda uakil u`nišia nu paqdia haizak šadra nu liauna abatrh amarla `zil hzia m` huat nihuta balma `urba d šadirth qudamak `ka hu haizak azal iauna uaška l`urba d iazab lšlanda umn šlanda hua qakil uhzata lzaia d qaiim lTura d qardun u`tnagal šahph mn mia minh gihpat iauna uaulalh lnu d nida bnapšia d nihuta huat haizak l`urba laTa u`l iauna birkh uhaizak `tnaTar dara lšum br nu unuraita zauh uminaihun `tiaiar alma haizak npaqiun šita alpia šnia upašiun trin alpia šnia u`thašab iurba d iahuTaiia qarilh adunai hu uruha d minh šuba šibiahia u`thašab lmiлгаT liguTta bpaqadta d adunai bnun mihuza hda d `urašlam mata qarila šitin parsia putia akla alpa d šnia bduhuna ualpa d šnia bhurbia habra tibil kulh haizak `tiqria braham abuhun d iahuTaiia d hu ukulh šurbath briš arqa d miSraia d malkaiun para malka hu bbišuta napšia aškun iahuTaiia mn miSraia mn para malka haizak iurba uruha ualahia d dahlih kd abrinun arqa d miSraia hun iahuTaiia kd abdinun alahun mhun zibna bhda iuma uabar iama ubzalun mia d iama uqamiun ltrin miSria akuat trin Turia uiahuTaiia kulhun abariun uazal hun bdbar Sadia al šrun b`urašlam haizak ata para malka abatraihun hun hu ukulh hailh minh šubin ruban ušabima ušubin alpia miSraia hun d paria milka hazilh liama d larab ulašaša ulamabarta uhaizak hazila para `uhra bšušt d iama umia d iama pr`iia btrin Turia uhaizak nihtat kulh planga d para

abatraiun d iahuTaiia uaTip mia d iama `lh d planga d paria malka upliT para malka
 hu uruhmia u`uzarh lšuTuata uhaizak alma larbima šnia b`urašlam `šu br
 mariam la`taudal b`urašlam haizak `taudal `šu rišaihun d kariSTiania ušauia
 kništa Inapšia ugaba ama Inapšia haizak haizin amirna d malkia d mn Tupania mia
 ulhaka d šlim šnaiun d malkia ulšnia d akil malka malka hu mapriš `lauaihun uhua mirar
 arudan gimuraT malka briš malkia kulhun akil tšima šnia ulabatria hua zarda
 naiTa lahmuraT malka akil šitima šnia ulabatria lpr`iš zihnag malka akil šabima
 uhamšin šnia labatrh d hanath malka ma šnia malka balma lahua ulabatrh ha
 asdag malka br aspag d bahrin malka qarilh akil tlatma šnia ulabatria puraidun
 br tabian akil arbima uhamšin šnia labatrh hua pašam nariman d asra d karkum
 qarilh akil hamišma šnia labatrh hua malka d parsaiia d Traq akil šitin šnia
 ulabatrh hua kaiqubad hamišma utlata šnia ulabatrh hua kaikisrau br siauušan
 akil šitin šnia ulabatrh hua `gab malka br burzin malka akil tlatma ušitin šnia
 ulabatria hua luhrask malka akil tlatma ušitin uhamiš šnia ulabatria kušTasp
 brh d luhrasp malka akil asar uarbia šnia ulabatrh hua adšir br aspindir akil
 ma uasar utartin šnia ulabatrh hauia nuraiTaš hurizdan d qarilh šimdai malka
 akil tmanan šnia ulabatrh hua dašamšr malka d šlaimun malka br daud qarilh akil
 alpa d šnia `tšima barqa uma brqiha ulabatrh hua bruq malka d dilh d sindar
 ruhmaia qarilh akil asar uarbia šnia ulabatrh hua ašaq br ašqan arbima
 ušitin uhamiš šnia ulabatrh lzur ulasTar kasrau ubaš uiasdis uTabian d ardban
 malka qarilh akil asar uarbia šnia ulabatrh hun malkia d parsaiia hun aklin
 tlatma utmanan utartin šnia briš malkia d parsaiia hauia adšir upabugan akil
 asar uarbia šnia ulabatrh hua šabur malka br adšir malka akil šitin utartin
 šnia ulabatrh balaš malka hurnig br šabur malka akil hamšin šnia ulabatrh
 hiuia bahran malka akil asar utartin šnia ulabatraiun hauia šabur malka br
 iazdagir akal srin šnia ulabatrh hauia piruz malka br iazdagir akil arbin šnia
 ulabatrh hauia bihdad malka akil tlat šnia ulabatrh qabad malka br piruz malka
 akil arbin uhda šnia ulabatrh hauia kasru br qabad akil arbin utartin šnia
 ulabatrh hauia hurumiz malka br kasru akil asar utartin šnia ulabatrh hauia
 kasru br kasru mlik malkia br hurmiz akil tlatin utmania šnia btlatin utmania
 šnia mhauia šamiš nišanqia uazil kasru uqaiim širu bmalkuta haizak mn iuma
d hirbit `urašlam ualma d qam iazdagir br bahran malka mn parsaiia bmalkuta napqan
 mn alpa d batraiia hamišma utšin uarbia šnia mn hazin alpa d batraiia kd qaiim
 alma bšabima uhda šnia bnuna palga tmanan utša šnia huriniata bTabuta
 ubišuta iatba `matia uasar šnia d `mar `lauaihun kd qaiim alma bšabima ušitin
 šnia mn haka ulaqamia mia baSria ualma kulh arza maTialh ualahia umalakia bšnia
 ubiahria ubanašuta mindia mindia nišanqia nišauun hanath dukta ualma lalmia
 kulh arzia maTialh mhauia `lh d nuna bšabima utšin uhda šnia qaiim mia nibiSrun
 ualahia bkul ziqā kulh girba nišbuq kd bšabima utšin utartin šnia nišbuq mhauia
 `lh d arbaiia mn kul rustaq niqum uaiba `kuma nisaq unitia malka d babil
 uqiniana minh nitapar kd bšabima utšin utlat šnia niqum mhauia d malka d arbaiia
 nimut d arbaiia uhda lhabra napil ubarqa d bibil bqiniana ubanašuta auar nihuia kd
 bšabima utšin uarbia šnia niqum mhauia `lh d arqa tlata zibnia biuma tinud ulilia
 hda zibna bšinta miSaita bkulh alma nhura nihzia ukukbia bil mn šamiš niSria
 b`šumia niSria qaiim alma bšabima utšin uhamiš šnia niqum mhauai `lh d diba mn
 arqa napiq unitia abar banašia nišbuq umalka malka nimut arbaiia bšnia d hanath
 diba maria alma kulh hauia uzipa lturSa nigaidia ubiahria šabaT daula
d mišanuiia barba habšaba zipa lšamiš nigairh mhauai `lh d malka d babil lbabil
 nitia uqiniana d babil lbabil nitia ubTur anašia lagaiia lpadakšar nimTun kd
 bšabima utšin ušit šnia niqum mhauai `lh d abatar atar nišanqia nihaun
 ubrakšia ubgubria d alma bmdiniata qala nihuia u`buria qalh nibaSrun uaula
 uTiba uglala mihuia ubhiuaniata d arbia ligria ubnahra ubarqa zaina tibat kd alma
 bšabima utšin ušuba šnia niqum mhauai `lh d trin šihirialia mn hdadia nigahkun

ubrakšia ubgubria nigahkun ukd alma bšabima utšin utmania šnia niqum mhauai 'lh
d alma d hda mn šiharialia nimut hda bkuh nihuia ukd qaiim alma bšabima utšin
utša šnia niqum mhauai 'lh d qala nihuia lanašia apraiia nimTun ukd qaiim alma
btmanima šnia mhauai 'lh d rakšia ugubria bkuh alma mn rba ualma lzuTa ldašta
ulihra dukth d bkuh alma Tašta haizak napša baiilun utigra hiuara nihuia biahra
siuan Silmia d mišanuiia iuma qadmaia d iahra tartin šaiia upalgh qrabh hiuara
nihuia mn akul alpa ušabima gubria d azlan nipišiuun tlata ukd btmanima
utartin šnia niqum alma mhauai 'lh d anašia qalia nihun u'nšia had mindam ninpuš
mhauai 'lh d 'nšia bšaba bmasgita nitbun unimrun d gabra halip 'lan bšuqia
unapqa lbaba uniqma ulgabra nibian unaškunh unaplia lhiqla d gabra ualpa d zibnia
ninišqunh aminTul d anašia balma qalia hinun d mištihkin haizak mhauai 'lh d kd
hanath zibna mTa mn qalh zar napša hauia qalh anašia d nitparqun ušuba utmania
lgbra ubmnath nimTunh ugabra mn qudam 'nšia bišuta šaiil lanašia mhauai 'lh kd
alma btmanima utlat mn nuna hanath zibna l nangaria d alma latišaiil 'mar kd
kiuan barqba niqum unipuq mn arqba ularia nizar prat rba ldiglat ništpuk ubabil
arqa uhamšin šnia qudam arqa d gaukai bhurba tiqum ubarqa gaukai bit kabiSia
d bazira bhamiš 'stiria nibia ulanitaška mhauai 'lh mšiha kadaba nitia umaria
alma kulh hauia ulkursia rba iatib ubh dina daiin ldaiania mbarilun mn madna
lmarba bhda iuma atia ulh ualma d libna mn šita bdilh sahdh kd btmanima uhamšin
šnia bnuna nihuia mutana rba nihuia uhaizak mn abatar malkia parsaiia malkia
arbaiia hauin bšubin uhda šnia aklin bšnaiun d hanatun malkia arbitia alma
kadaba hauia u'l sasauata d arqa ulgumlh ulbna haria ulabdia ulamata u'l
dardaqnia uldardqiniata ul'nšia ulbna ulabdia kauna uniaha lahaulun bšnaiun
d hanatun malkia aba lbrh u'ma lbrata lamšalTia umaria labda lamšalaT
ulmiškaiun d anašia našTilh hanatun malkia akuat Taba uaradia bšnaiun
d hanatun malkia man d nakšia ubnia ualma brh haizak šailia Tubia lman d hualia
mihuia bira udahba ukaspa urakšia ugumlia utauria uhamaria uaqnia bminiana
hauin ukiuaria mn iama pahra uaradlh bTuria bdagna maTila ukul d `bad ukul
mindam mitpak iatiria maskina hauia umaskina iatira hauia ubath biqiata hauin
ubiqiata batia hauin prišaiia pigia hauin upigia prišaiia hauin umarh abda
hauia uabdia hauin br haria umaruza unikla uzipa banašia hauia u'kuria ubit
alahia mitpasasia ušumia uzadiqia dagalia hauin umitrahbia lqiniana hazin hda
dagalta mn arqa hda mn šumia napqa tartin mn hdadia umitrahbia lanašia šarin umn
šumia miTra lahauia uarqa bzibna piria lamapqia mindam bzibna lamitbid uaula
larqa nahit uhaizak zibna d muta ukSurta umahra d aiit hauia unura hauia kul
zban talga bnpiš hauia umn mdinta lmdinta umn mata lmata 'u btrin 'u btlata mn
hdadia laška lazlia ubra labuia kadišlh ubhapaiuta mn baita mapiqlh u'ma
lbrata bla `dana mapqalh uldina iuma biuma minh tibh umargušaiia usapria
b`umamata apkia nasqa usaprh blilia azlia ganabia `uhrata pasqia uqiniana
mapria nunia biamamia ubrbita hasria zban zban iama umia bnpiš atin napša masklia
pira u'mba u'ana gaTlia uruhqa qurba hauia uqurba hauia ruhqa hauia u'niš
anašia d napšia bturSa laligTlun hinila anašia baraiia lagiT bturSa uanašia šapira
lzipa ulsahduta d zipa qaimia u`umamata hazin baiilin kd kalba d baiia lama rahmh
mn rahmh šapir laqaiim hn'la bqina abatar hdadia masgia uanašia dagalia zabdh
uminilia riqaniata hauia 'nta ptulata šutaputa hauila u'nšia lgabra mšadra
lgubria u'nšia lgubria bilaihin šabqia uldina šaqia uanašia dagalia ubišia
napšia hauin uabuhun u'maihun kadusia aha baha ubra bbaba uabda bmarh
uaškarta briktā bdagaluta masgia u'nta bila gaTla ulhurina hauia uhaizak
kadba ubišuta hauibun ubanašia šiqia ulaTabia u'kuria upatikria almilun
lanašia uanašia d alma adinqia bala hauinun umištālpia ualahia uanašia
mimrar uadingia hilqa mšauilun uligal qašuta upagra kadaba hauilun ukilh
qalia hauilun ubzipa ukadba hauin ubanpia hdadia minila šapirata amrin uabatar
hdadia minila bišata amrin aminTul d lhazin zipa d abrin usaria uhamruta ukul

mindam qalia hauia uTabit zarin uqalia maškia uTabit qiniana qanin uahalin
ulasabin zban zban zaina ubišuta hauilun mn aTšia usaria arqa mn Tuna baSra
upiria u'mbia u'ana iabiš umlašuta mkadba ulabtru qaimia lišana mn hdadia
mkadšia unašia uanašia d hauin baudanh uazlin lnapšia d iatbia bbaitia umdiniata
lagTia ubit parsaiia ukiTrauaiia urumaiia usignaiia ulišania mn hdadia mkadšia
uhaiak d iatbia baudania zakin umšauilun 'sTug laiatbia bbaitia ubšubin uhda šnia
d akla uTuba maitin uTuba ubnh abhatun u'nšia mn gubrai hun uahia mn ahia ulihda
dukta kanpia ub`dai hun d napšai hun had lhabrh gaTilh haizak bra d gaukai akla
hamšin šnia bduhna abatar d hazin `bra d babil kd hurba d hazin bra d babil
nišana malkia arbaiia kardus mardia unapqia arba ziqia uatia malka d burdaiia
umalka d simraiia umardia mn hdadia ugarqilh lhazin bra d babil mn madna lmarba
mitgirbia mn hazin bra d gaukai trisar alpia haizak paiiš hamšin šnia d bra
d gaukai dahna kd napqa srin uhamiš šnia mn hamšin šnia hauia Tura d dahba bdašt
d misaq ušuba mšaria ušuba malkia umšauia mlik malkia uamrilh malkia lmlik
malkia d šauia mamla d rbia mn abda laniqar uabatar d mšauin mamla ata hda malka
mn rqiha unahišlh lmlik malkia mlik malkia lahazilh uanašia kulhun hazilh
haizak amrilh lmlik malkia hazin gabra d nhit mn rqiha d nhašlik `l `udnak mahu
d amarlak amarlun d kadba amritun amrilh malkia lmlik malkia pas hazin mamla
d abadnin karba hu amrilh malkia lmlik malkia qum nihizia anpia hdadia uqamiun
unaplia bihdadia uatia hai malka ušaria uazil susia 'lauai hun alma lsargh
bzma uatia krikta d zma alma lganbia d nhar had lhabrh zadiqa had had d paiiš
rahiT batar mn gaTilh uamarlh ana gaTilna `lh mahu paiiš haizak lagTh
'nšia ukanpia kinpia bihdadia uhadra abatar surh udmuth d gabra unasbilh ldahbaiun
ulkaspaiun ušadilh `l qirlata ulabtru mzaraz malka akal asar utartin šnia
umšauia ruhSana `l alahia ualahia ualdiauria hauilh udiatbh baudania dahilun
udiatbh latraiun atin umdinta Tabuta hauilh uanašia bTabuta masTin ulabtru mia
mn rbata salqia uzaina napša ulabtru mindam hda balma d kadir qraba hauia gubria
prišaiia upigia azlin lqraba umn qraba qala anašia minai hun zakin ulabtru
malka hurina qaiim sarqid br uarzigar akil šaba šn' tum malka hurina širasp šuma
akil srin ušuba šnia bšnaiun d hanatun malkia bišuta lahauibun utigra laramin
uqiniana labaiin u'kalta iatir laklin u'niš 'niš bqaita d napšia utigra ungada
uqraba lahauilun uzipa udagluta uhda `qaria habrh laška labid `u zipa abid
miSTria kd hazin mamla nataSar unišana d kukbia Sahama Sihmia qaiim uazan malka
akil hamiš šnia hak malka kul mindam šapir hauia alahia mitiaqria ukulhin mdiniata
ubit alahia dahna uturSa bhailh hauia uanašia lminSa lamitrahbh ubhanath zibna
bhda kana d hamra d hauia tlatin anašia minh sabin ubit hda ardba d bazira d saria
hamšin anašia sabin minh umindia mindia šapiria hauin uanašia kila lahauilun
tum nišana hauia d mn šumh kukba Saria ubrbita napil ubšuba iamamia mia
sumaqia sagin u`nta d mn hanatun mia šatia labaTna uadinqia bala hauin ulanaša
mšadria uamarlun anatun škub luatai tum nišanqia hurinia hauia ziqia saba
qaiim uaqapra atia bgauh lbabaiun d anašia kasilun haizak malka hanšamun abid
ulanašia mšaililun uamrilun m' hzaitun `u šmilkun hazin mindam d hua hanatun
anašia laiadia mindam d nimarlh labatrun uazan malka u`ulanun d mith
mšaiilun d hazin mindam bdina kdib lmihua `u qdim lhaka lahuat `ulanun d mitia
amrilh anat laiadit kd šumia kukbia uSahama Saria uziqa saba qaiim uaqapra atia
minh ulbaitaun d anašia kasilun anat adilak d milta d bdinba d alma ltušlima
maTiat `lana anat malka `qara alaha šapir `bidlak d hazin minilta latiqnia
aminTul d kd maitit `lanak Tablun miTab kd aitag bhia ulabatrun qaiim parušai
sipa malka br burzan malka akil alma lkimSat almia ubšnia d hanath malka Tabuta
uturSa napša hauia usitua lahauia uhaizak mitpisqia mia hia ulatin
ulasalqin uatin mia iuraqia mn rbata unišmata d nasba ruhaiun d hanatun mia
napqia mn pagrai hun haizak matilh lbil kukba mn abinia ahh umalbišilh lbuša
d ptahil ubkasilh ksuia d ptahil umatnh klila d ptahil brišia umautilh lkursia

d ptahil arbin utartin šnia bhurba Sadia uhaizak amrilh qum šla lbušak uksuiak
 uklilak d ptahil hu d baiinalh lasqh lziua d šamiš ultuqna d sira ulSahamta
d kukbia ulhaila d mia ulhaila d ziqa ulSauta d nura ulmsuta d arqa uamarlun bil
 mn paina iatbit lhazin hašta amritun qum šlh haizak masqilh llbuša ulkusua
 uklila d ptahil latrh haizak mištria liuiatin rba qašiša mn 'suria d hauia sumka
d sipta d pumh ma arbin uarbima alpia parsia upatalh lpumh ubalilia lkulh bil
 ubalalun lšuba šibiahia u'l trisar malkaiun ulhamša mdabrunun ulkulhun humria
 u'kuria uprakia usahria udaiuia uliliatia ulkulhin nišmata d haiabia bit dina ukpir
 bhia qadmaia mitpasqia bhšuka haizak amiSlh pumh ukulhin maitin bgauta
 salqia sruth mn tibil haizak atin kulhun `utria d arqa d nhura uqaimin lkiph
d alma hazin uamria misiq sruta ukulman d mhašab miqria alma kd zan alma hazin
 ptahil qra hinila alma hazin lalip ruban šnia uhauia alma hazin ziua unhura
 umiaqria ukulhin nišmata d anašia šapiria uaurun bhia qadmaia lahaibh bit
 dina ulamat muta tiniana nišmatun haka š'ia bhia hia liadin uhiia lsabran
 uhiia lgubria masbiranan hia zakin lkulhun `ubadia uhiia zakin lalam almia
 sa

. hazin aspar malkia uaprišata d alma hazin d ansit ana ania uдания umradpa
 abda d kulh haTaiia uarqa bigar d naSuraiia uamapra d atutia ligraihun
d nasakia utarmidia uganzibria zuTa ahai tarmidia umnašaq msana ligraihun
d nasakia ana rbai mhatam zihrun br rbai adam br rbai mhatam iuhana br rbai
 iahia sam br rbai sam bihram br rbai iahia bihram br rbai iahia bihram br
 rbai adam br rbai iahia adam br rbai šitil br rbai ram br rbai zakia br
 rbai iahia br rbai zakia br abuhun d ganzibria rbai mhatam br rbai sam laqab
 manduia ukinianh `kuma d ansit lhad šalmantia umhamna u'uSra mdakai uliba
 mšalim lrahmut kušTa u'tkadiš lrahmut d manda d hia udhibil ušitil uanuš
 u'hbat zidqa milia Tabuta napša ukidbat hazin ginza rama d huila dukrana
 btibil uhatma balma rurubia `laiia d nhura d h' šumia d maSbuta šarat pt haua
 simat ušuma d m qarila biniia brata d dihla br maTlum br kTaiir br (ayin)idan br
 baiuT laqab pirišia ukiniana 'kuma d nsit mn kdaba d `da d rbai mhatam iuhana
 br rbai iahia sam br rbai sam bihrim br rbai iahia bihrim br rbai iahia
 bihram br rbai adam br rbai iahia adam br rbai šitil br rbai ram br rbai
 zakia br rbai iahia br rbai zakia br abuhun d ganzibria rbai mhatam br rbai
 sam laqab manduia ukinianh `kuma d ansa lhad šalmantia umhaimna d h' šuma
 m qarila himian brath d 'stad (ayin)aTuan br sabi(ayin) br šam(ayin)an br ganim br paraš br
 rabi(ayin) br dhis kinianh ku(h)ailh d hu ansa mn kdaba d `da d rbai iahia zihrun br
 rbai iahia ram zihrun br mhatam br mhatam iuhana br bihram br mašid br
 našim br karam br kiria br (h)aiat kinianh sabur d hu ansala mn sidra d ab
 dilia d hu had šalmana umhaiman d hu šumh 'stad (ayin)aTuan ušumh d maSbuta mhatam
 zihrun br mahnaš brh d sabi(ayin) br šam(ayin)an br ganim br paraš br rabi(ayin) br dhas
 kiniana ku(h)ailh d ansalh mn sidra d ab dilh d hu ansa ukdab lhad šalmantia
 umhaimna d hu šuma d m qarila brath d `ustad dispulh br paizia br qasum br
 našmidin br ra(š)ad br našmidin br (ayin)abdlhasan kiniana sabur d ansalh mn sidra
d had šalmana umhaimin d hu `ustad dalh br (ayin)abid br manSur br (ayin)abduah br
 sabig kiniana quTana d ansalh d hua tarmida taqna rbai bihram sam br rbai
 bihram iahia br abuhun d ganzibria rbai bihram iahia br abuhun d ganzibria
 rbai adam br rbai iahia adam br rbai šitil br rbai ram br rbai zakia br
 rbai iahia br rbai zakia br abuhun d ganzibdia rbai mhatam br rbai sam laqab
 manduia ukiniana `kuma d ansalh mn sidra d ansalh lnapšia d hu ganzabra taqna
 rbai ram iuhana br rbai iahia zihrun br rbai zihrun br rbai adam br rbai
 iahia br rbai iahia adam br rbai šitil br rbai ram br rbai šitil br rbai
 zakia br rbai iahia br rbai zakh br abuhun d ganzibria rbai mhatam br rbai
 sam laqab manduia kinianh `kuma d nsa mn sidra d had šalmana d hu `ustad sa(ayin)ud
 br 'ustad bišarah kniana riš drax d ansalh mn sidra rba urama uiaqira

ganzibra taqna d hu rbai sam iuhana br rbai iahia adam br iahia adam
 kiniania (ayin)asikir d ansa lnapšia mn sidra d ham d ansa lnapšia zibna hurina mn
 sidra d had šalmantia d haua simat brata d adam br garib kinianh tum d ansalh
 mn sidra d rba urama uiaqira ganzabra taqna maria šualania d hu . rbai iahia
 iuhana br rbai ram br rbai baktiar kiniana ku(h)ailia d ansa mn . tlata
 d sidra hua šugiana tiniana rbai zihrun br rbai ram ku(h)ailia tlitaia
 ganzibra taqna rbai iahia ram br rbai bihrim zihrun k(h)ailia urbai iahia
 ram ansa mn sidra d rba urama uiaqira rbai bihram br hiia br rbai adam zakia
 kinianh k(h)ilia d ansa lnapšia mn sidra d ansa rbai iahia sam br rbai zihrun
 hibil br rbai anuš adam br bihdad (ayin)aziz d nsa . rbai iahia iuhana br rbai
 ram br rbai baktiar kinianh ku(h)ailh d ansa mn sidra d ab dilia d hu rbai ram
 iahia baktiar kinianh ku(h)ailh d ansalh lšalmania umhaiman d hu `ustad paiad
 br naSir ldin br našim kinianh ia(h)iauia laqab `upaišia d ansa mn trin sidrh
 had minaihun rba urama uiaqira ganzibra taqna rbai bihram br hiia br rbai
 adam kinianh ku(h)ailh hurina sidra d rba urama uiaqira ganzibra taqna
 ubhiria br abuhun d ganzibria rbai sam adam br zakh sam adam br zakia laqab
 manduia kinianh `kuma d ansalh ahh rbai simihana br sam adam laqab manduia
 kinianh `kuma d ansalh iahia sam br zihrun br anuš adam br bihdad (ayin)aziz
 d ansa . mn sidra d rišaiia d abuia d naSiruta dihdar hula d šumia d maSbuta
 mhatam bulbul br sam bihram . (ayin)aziz mn sidra rba urama uiaqira d rba rbai
 adam ihuana br iahia anuš kiniania šu(ayin)ailia d ansalh rbai saruan bulbul .
 mhatam bulbul br sam bihram (ayin)asikir d ansalh ham iahia sam br hibil zihrun
 uahh qašišia adam bihram br rbai zakia mušarah mn trin sidria had minaihun
 sidra d hibil br iahia mn mata d girzana d ansalh abuhun d naSuraiia iahia adam
 kuhalh had sidra hurina rbai adam br iahia anuš šu(ayin)ailh kinianh bus(ayin)id
 d ansalh rbaian saruan bulbul . br adam baian kiniania zarzuia d ansalh mn
 sidra d had šalmania d hibil br hiia br sam nangaria d ansalia rbai iahia adam
 ku(h)ailia d ansa mn sidra d napšia d ansalh anuš mu(ayin)ailh br anuš bihdad zibna
 qadmaia aminTul d trin sidria d hanath šalmania d ansa tum ansalh mn sidra
 d ansa d mhatam zihrun br bihram mušarah d ansalh rbai bihram baian br adam
 šupirtaiia mn sidra . haua brata d adam ku(h)ailh . brata d iuhana br zakia
 maknušta uansalhm mn sidra . d šualia br hiia br iuhana br saruan d ansalh rbai
 bihram baian šupurtaiia mn sidra d adam br ram gadana d ansalh iahia br adam
 k(h)ailia mn sidra d rišaiia bihdar zihrun br sam sakara d ansalh iahia br
 adam ku(h)ailia mn sidra d adam br šitil d ansalh iahia br adam ku(h)ailh mn
 sidra d šdia mamania brath d hibil br anuš d ansalh iahia br adam ku(h)ailh mn
 sidra d bihram sam gadana d ansalh mn sidra d abuia d brata d iahia sam br
 saruan . uiahia br adam ku(h)alia ansalh mn sidra d zihrun br iahia iuhana
 d ansalia rbaian anuš mu(ayin)alia br anuš bihdad d baktiar br bul(ayin)iz br šitlai
 gadana d ansalh mn sidra d sam hibil Salupa d ansalia bihram hibil br mhatam
 hibil iuhana d ansalia mn sidra d iahia zakia br brik iauar br paiiš uram
 ziua br šaiar br zihrun lahuia d kušTa hibil iuhana br zakia d nsalia mn
 sidra d adam br iahia uadam d ansalh šaiar br zihrun mn sidra d br hiia br
 gadana br šaiar ziua br hiia d ansa šaiar uram ziua bnia baian hibil mn
 sidra d zakria br hibil mn sidra d napšia uzakria ansa mn sidra d šad manda br
 zkh iauar ušad manda ansalh `qaiam br zindana mn sidra d baian hibil br brik
 iauar d ansalia mn napšia ansalun rbaian `qaiam br zindana mn sidra d napšia
 d ansa mn sidra hatiqa d hua škin bginza ktāb `dh d adam šitil uram br daimir
 uram šailia ansinun mn abahath hiia qadmaiia uhiia zakin lalam almia uzakia
 ama d naSuraiia lašanun mindam d hiia paqid hiia zakin lkulhun `ubadia uhiia
 zak`in sa
 . `tadrat usilqat lriš `staqam hazin sidra d mara d rabuta `laita mn riša
 ualma ldraša d kimSa d mia hiia biuma d trin habšaba utrisar biahra d akir giTa

d hu tašrin qaina bšidta d tlata habšaba lšnat tlatma ušitasar abatar alpa
`staqmat bmata d markaz bmaia d praš zua bbaita d napšan bhikum (ayin)uSmalh had
qatia uhad qazia sa

. hazin hua ginza rba mandaz mn tlata sidria bgu ‘dan . uanašata d amar
urnia umhašib umapiq lhazin rnita hinun ma(š)id br pandia br pi(ayin)il br za(š)ia
br ba(g)ia br šamkia br (ayin)abid (ayin)alia br mubarak laqab manduia ukinianh `kuma
ušuma d maSbuta adam br haua uzauh šuma d maSbuta haua mamania pt haua ušuma
d m qarila nura brata d ma(d)kur br (h)api(T) br sahar br mi(h)sin br (ayin)abd ala br
(ayin)askar laqab kimisia ukiniana riš draz

.tum `stadrat usilqat lriš u`staqam hazin ginza rba sidra rba sidra d mara
d rabuta d hu sidra d adam gabra qadmaia biuma d rhaTia biuma qadmaia
d baruanaiia iuma d dukrana bšidta d arba habšaba lšnat arbima utmanasar šnia
abatar alpa šidta d qabiliun arbaia u`srin biahra d adar lšnat tšima utšin
utmania šnia abatar alpa šidta d rumaiia bbaitaihun d napšihun batra
d australia ubmata d sidnia

.`stadrat hazin ginza rba hadta bkampiutar bhazin Surta zibna qadmaia balma
hazin mn qdim u`l hašta . aminTul d kul `niš kd d bia ginza rba aškalh .
uaminTul d ginzia napšia d lamandizia ulamaliia mn riš briš . ugabra d abad
hugiania mandaia bkampiutar uTba(ayin) uktab bh hu had mandaia mhamna šuma
d maSbuta bihram br haua mamania ušuma d m qarilia bašar br ma(š)id br pandia br
pi(ayin)il br za(š)ia br ba(g)ia br šamkia br (ayin)abid (ayin)alia br mubarak laqab manduia
ukinianh `kuma

. ugabra d andaz usadar hazin ginza rba mn tlata sidria mn riš lsaiakta hu
rbai sam br rbai ram iuhana br rbai adam ušumh d m qarilia tarmida naSuraia
haitam br mahdia br sa(ayin)id br sbahia br rahia br (ayin)ilia br (ayin)abid br muTar br
rum(d)an br (ayin)ašur br rbai mhatam br rbai iahia br rba urama uiaqira ganzibra
taqna uriš dara d mandaiia rbai zihrun kinianh ku(h)ailia

. usidria d andzit minaihun hinun .

. qadmaia d hu šapir d ansinalia mn riš lsaiakta mn kdaba d `da d rbai mhatam
zihrun br rbai adam . hzia saiakta d zharia d ansinalia zibnia napša bhazin
sidra hadta

. tiniana mn kdaba d `da d ram zihrun br rbai sam bihram br rbai iahia zihrun
br rbai bihram šitil br rba urama uiaqira ganzibra taqna bhira rbai iahia
br rbai zihrun br rbai iahia mhatam br adam br adam iuhana br šams br ganim
br rbai adam br abuhun d ganzibria rbai iahia kinianh (ayin)aziz laqab kupa(š)ia
udura(š)ia d ansa lšalmantia umhaimna d h` šarat pt maliha ušuma d qariata tamam
brata d `uSTa (ayin)aziz br `uSTa (ayin)idia br kamis br ram(d)an kinianh ku(h)ailia
d ansala mn sidra d kdaba d `da d rbai zihrun br adam iuhana br iahia br zihrun
br iahia anuš br rba urama uiaqir rbai mhatam br iahia baian br iuhana
šadan br zakria br hibil br iahia br zakria br zihrun mn bnia dihdaria
kinianh sabur d ansa lhad šalmana umhaimna d hu baian br mhatam br iahia br
adam hua šumh d qaraita aSTa kairia br aSTa ra(š)ab br aSTa (h)aiat br adam br
uauia mn bnia dihdaria kinianh sabur usaika . u`stadrat hazin sidra tiniana
biuma d tlata habšaba ušuba asar biahra d ab aria bšidta d tlata habšaba lšnat
alpa u`matin uhamšin utša šidta d qabiliun arbaia d ansalh batra d uštar
ubmia d dudanga ubbaita d napših usaika .

. tlitaia mn kdaba d `da d rbai sam br rbai zihrun br adam iuhana br iahia br
(ayin)abid br šar(š)‘ br asimir laqab manduia ukiniania `kuma d ansa `l had
šalmanta umhaimna d h` šuma d maSbuta anhar pt simat ušuma d m qarila (h)dapa
brat par(h)an br (ayin)abid raba br (ayin)abid br badur br mhana br naSir br (ayin)abid
(š)ada br salim laqab kimis‘ ukinianh riš draz d ansa mn kdaba d `da d rbai
ganzibra taqna rbai mhatam iuhana br rbai iahia sam br rbai sam bihram br

rbai iahia bihram br rbai iahia bihram br rbai adam br rbai iahia adam br
rbai šitil br rbai ram br rbai zakia br rbai iahia br rbai zakia br abuhun
ḏ ganzibria rbai mhatam br rbai sam laqab manduia ukinianh `kuma ḏ hu ansa
lhad šalmantia umhaimna ḏ h' šuma ḏ maSbuta mudalal pt haua ušuma ḏ qrita
himian brata ḏ (ayin)aTuan br sabi(ayin) br (š)am(ayin)an br ganim br para(š) br rabi(ayin) br dhas
kinianh ku(h)ailh ḏ ansa mn kdaba ḏ `da ḏ rbai iahia zihrun br rbai iahia ram
zihrun br mhatam br mhatam iuhana br bihram br ma(š)id br našmia br karim br
kiria br (h)aiat kiniana sabur . usaika lzharh akuat zhara ḏ kdaba qadmaia
ḏ ansinan bhazin sidra hadta .

upsaq unpal mn dinbh magalta ḏ bgaua aprišata liuma uiahra ušidta
ḏ `stadratbh hazin sidra tlitaia .
uhiia zakin lalam almia uzakia ama ḏ mandaiia unaSuraiia ḏ lašanun mindam
ḏ hiia paqid uhiia zakin lkulhun `ubadia uhiia zakin sa
sa